



TOSHKENT DAVLAT YURIDIK UNIVERSITETI REKTORINING B U Y R U G ' I

13.03.2025

217-tm-son

Talabaga hayfsan e'lon qilish to'g'risida

Bugungi kunda universitetda zamonaviy talablar, ilg'or xalqaro yuridik tajriba va mehnat bozori ehtiyojlari asosida yuqori malakali, ijodiy fikrlaydigan, halol kadrlar tayyorlashni ta'minlash va klinik yuridik ta'limni rivojlantirish yo'li bilan o'quv jarayoni va huquqni qo'llash amaliyoti o'rtasida uzviy aloqani ta'minlash maqsadida bir qator kompleks chora-tadbirlar amalga oshirilmoqda.

Shunga qaramasdan ayrim talabalar tomonidan universitet Ichki tartib qoidalari, Odob-axloq kodeksi va rektori buyruqlari hamda boshqa hujjatlarda belgilangan qoidalarini buzish holatlari kuzatilmoqda.

Jumladan, universitet rektorining 2025-yil 30-yanvardagi "Toshkent davlat yuridik universitetining bakalavriat bosqichi kunduzgi ta'lim shakli 4-bosqich talabalarining 2024/2025-o'quv yili bahorgi semestri davomida bitiruv malakaviy amaliyotini tashkil etish to'g'risida"gi 90-tm-son buyrug'iga muvofiq Jinoiy odil sudlov fakulteti 4-bosqich talabalari 2025-yilning 10-fevralidan 23-apreliga qadar bitiruv malakaviy amaliyot o'tashi belgilangan.

Universitet rektorining mazkur 90-tm-son buyrug'iga muvofiq Jinoiy odil sudlov fakulteti 4-bosqich talabasi Kutlumuratova Venera Shamsheva qiziga bitiruv malakaviy amaliyot o'tash joyi sifatida Jinoyat ishlari bo'yicha To'rtko'l tuman sudi hamda universitetdan amaliyot rahbari sifatida Sud, huquqni muhofaza qiluvchi organlar va advokatura kafedrasi mudiri o'rinbosari (hozirda kafedra professori v.b.) Nurumov Dilshodbek Djumabayevich biriktirilgan.

2025-yilning 10-fevral sanasidan 4-bosqich talabalarining bitiruv malakaviy amaliyoti boshlangan bo'lsada, ammo 4-bosqich talabasi V.Kutlumuratova Jinoiy odil sudlov fakulteti dekanati xodimlari hamda universitetdan amaliyot rahbari sifatida biriktirilgan Sud, huquqni muhofaza qiluvchi organlar va advokatura kafedrasi mudiri o'rinbosari D.Nurumovni ogohlantirmasdan va o'zboshimchalik bilan O'zbekiston Respublikasini tark etib, Qozog'iston Respublikasiga ketgan.

4-bosqich talabasi V.Kutlumuratovaning o'zboshimchalik bilan O'zbekiston Respublikasini tark etganligi, belgilangan vaqtda bitiruv malakaviy amaliyotga bormaganligini aniqlagan amaliyot rahbari D.Nurumov TDYU Yoshlar masalalari va ma'naviy-ma'rifiy ishlar bo'yicha birinchi prorektor A.Xashimhanov nomiga yozma ravishda bildirgi bilan murojaat qilib, holat haqida xabardor qilgan.

Talaba V.Kutlumuratova o'z tushintirish xatida Qozog'iston Respublikasida

yashovchi opasining sog'lig'i yomonlashganligi sababli 2025-yil 24-fevral kuni Qozog'iston Respublikasiga ketganligini, 1-mart kuni O'zbekiston Respublikasidagi doimiy turar joyiga qaytib kelganligini va xorijiy davlatga chiqish uchun Jinoiy odil sudlov fakulteti xodimlari va amaliyot rahbari D.Nurumovdan ruxsat olmaganligini bayon qilgan.

4-bosqich talabasi V.Kutlumuratova mazkur harakatlari bilan Toshkent davlat yuridik universiteti Ichki tartib qoidalarining 55-band a) kichik bandi

8-xatboshida belgilangan qoidani (talaba o'quv mashg'ulotlari va nazorat imtihonlari vaqtida xorijiy davlatlarga chiqmoqchi bo'lganda, bu haqida safarga chiqish kunidan kamida yetti kun oldin fakultet dekanini yozma ravishda xabardor qilish va ruxsat olish (universitet tomonidan akademik almashinuv dasturi doirasida va boshqa masalalarda xorijiy davlatlarga yuborish holatlari bundan mustasno)) buzgan.

Yuqoridagilarni inobatga olgan holda Toshkent davlat yuridik universiteti Ichki tartib qoidalarining 55-band a) kichik bandi 8-xatboshi va 83-bandiga asosan

BUYURAMAN:

1. Toshkent davlat yuridik universiteti Ichki tartib qoidalarining 55-band "a" kichik bandi 8-xatboshida belgilangan talablarni buzganligi uchun Jinoiy odil sudlov fakulteti 4-bosqich talabasi Kutlumuratova Venera Shamsheva qiziga hayfsan e'lon qilinsin.

2. Fakultet dekani (K.Hakimov):

mazkur buyruq mazmun-mohiyatini 4-bosqich talabalari e'tiboriga yetkazishi va keng muhokama qilinishini ta'minlasin;

mazkur talabaning shaxsiy hujjatlar yig'majildiga buyruq nusxasi tikilishini ta'minlasin;

mazkur holat takror sodir etilsa, talabani talabalar safidan chetlashtirish mumkinligi to'g'risida ogohlantirsin.

3. Mazkur buyruq ijrosining nazoratini o'z zimmamda qoldiraman.

Rektor v.v.b.



I.RUSTAMBEKOV

Toshkent shahar

Kiritildi:

Dekan (fan doktori yoki fan doktori
(Doctor of Science) ilmiy darajasiga
yoki xorijiy davlatlarning unga
tenglashtirilgan boshqa ilmiy
darajalariga yoki professor ilmiy
unvoniga ega bo'lgan)

K.HAKIMOV

**Kelishildi:**

Boshqarma boshlig'i

S.BOZAROV



Katta yuriskonsult

A.TURSUNOV

